

Hadži-Fakat i regulacija prometa na trotovaru

Nadan Filipović

Jednom je na sijelu kod kapetana Salihagića Hanefija Jarebica, naš hadži-Fakat, opet prečizio sa rakijom koju mu je jalijaški, ali zaista majstorski, sve pomalo da se ne primijeti, doljevo Jahija Žiga. Odjednom je hadži-Fakat skočio iza stola, popeo se na stolicu i

odr

ž

ao

nadahnuo

predavanje

o

zna

č

aju

”
trotovara”

.

Ovako je nekako govorio :

“Trotovar je faktički jedan malo uzvišeniji dio od ceste kojim je dozvoljeno hodat', trčat' i šetat' samo pješacima, dok je niži dio od ceste, ili kako se na hrvatski kaže kolovoz, faktički samo i isključivo predviđen za vožnju automobila i drugih motornih vozila. To pravilo faktički treba strogo poštivat', jerbo bi inače fakat nastao pravi haos, kad bi pješaci faktički letali k'o muhe brez glava međ' avtima na kolovozu. Kad bi avti i ostala vozila sa motorima na unutrašnje sagor'jevanje faktički koristili trotovare zajedno sa izbezumljenim pješacima tradicionalistima koji nisu prihvatili te čudne nazore i još se uporno pridržaju klasičnih pravila osnovne kulture saobraćaja, fakat bi moja bivša gospodo, a sad faktički drugarice i drugovi, došlo do strašnog saobraćajnog haosa, ali faktički sa mogućim i izvjesnim fatalnim posljedicama.”

Svoj govor je završavao u uspravnom stavu riječima:

“Dragi jarani, ja sam hadžija i to faktički pravi hadžija, a ne šatro-hadžija ili bedelaš. Ja sam faktički golema dunjaluka pravo propotov'o, fakat sam vidio da se svi civilizirati ljudi ovog mog' pravila faktički svuđe pridržaju i zato apelujem na vašu savjest da si i vi toga strogo pridržajete. Znači, da zaključim, hodajte l'jepo ka'ste pješaci faktički po trotovaru, a ne po kolovozu, jerbo vas na kolovozu fakat more satr't motorno vozilo sa motorom na unutrašnje sagor'jevanje, a ako ste jope vozači motornih vozila sa motorima sa unutrašnjim sagor'jevanjem nemojte se vozati po trotovaru jerbo je trotovar faktički predvidit samo za pješake. Usput... nemojte bit zbuniti kada neko rekne da će doći iz Zagreba ili Hrvatske krajem kolovoza. Nemojte da bi pomislili da će otaj neko doći iz Zagreba hodajući krajom ceste. Ma neeee! Tada izraz kolovoz ima faktički sasvim drugo značenje. To ondak nije dio od d'jela ceste koji je faktički predvidit za vozila sa motorima na unutrašnje sagor'jevanje, već je to jarani moji, pazite sad, paziteeee... tooo je u nas faktički mjesec avgust.”

Na kraju se prolomio gromoglasan aplauz, praćen povicima: "Hoćemo još! Hoćemo još! Fakat, fakat! Faktički, faktički...!!!!". {jcomments on}